



**Meeqqat atuarii angajullermi ingerlaviit marlungortinneqarsinnaanerat, tassa aappaa assassorfiunerusoq aappaalu atuagarsorfiunerusoq, pillugit apeqquteqaat aallaavigalugu oqallinnissamik siunnersuut**

(Inatsisartunut ilaasortaq Peter Olsen, Inuit Ataqtigiit)

Qujanaq Inatsisartunut Ilaasortaq Peter Olsen siunnersuummut.

Siunnersuuteqartup ajornartorsiut pingaaruteqartoq tulluuttorlu iserfigaa. Naliginnaalersoq assut ersarippoq. Soorluli imaattoq, niviarsiaqqat annertunerujussuarmik nukappiaqqaninngarnit atuagarsornerit toqqartaraat, inuusuttut ilinniarsiinut ingerlaqqittarlutik kingoralu ilinniagaqarnernut ingerlaqqillutik. Sooruna taamaattoq? Meeqqat atuariat nukappiaqqat taakkulu pisariaqartitaasa aqunnissaannut aaqjissuussaanginnami? Apeqqutit pitsaasut uagut Demokraatiniit misissorneqarnissaannut akissutisiniarnissaannullu peqataaffigerusutagut.

Meeqqat atuariat meeqqanut tamanut atuutissaaq. Tassani ilinniassavaqat atuarneq, allanneq kisitsinerlu. Tassaniluuna ilinniassagaat oqaatsit assassortarissallu. Tassaniluuna inuttut ineriartussasut ataatsimoornernilu peqataasarnissartik ilinniarlugu. Taamaattumik Demokraatinut pingaartuuvoq, meeqqat atuariat ineriartuarlugulu pitsanngorsartuassagippit, qaqugukkulluunniit piareersimassammat meeqqatta atuartinnissaannut pikkorissarnissaannullu, niviarsiaaraappata nukappiaaraappataluunniit apeqqutaatinnagu.

Meeqqat atuarianni angusat qiviaraanni, qiviarlugulu, kikkut atuagarsornerusunut ingerlariaqqittartut, tikkuut paatsuugassaangitsumik niviarsiaqqanut tikkuussivoq. Pingaartuuvoq, sukumiisumik misissussagippit, suna tassunga pissutaanersoq. Siunertaq imaassanngilaq, niviarsiaqqat ikinnerusut atuagarsorlutik ilinniagaqassasut. Taamaangilluinnarpoq. Siunertaq unaassaaq paasiniassallugu, sooq, meeqqat atuariata nukappiaqqat taama amerlatigisut katattarnerai.

Siunnersuuteqartoq oqallinnermut uunga atasumik aaqjissutaasinnaasumik siunnersuuteqarpoq, oqallisigerusukkamiuk meeqqat atuarianni angajullermi ingerlaviit marlungortinneqarnissaat; tassa atuagarsorfiunersoq aammalu aappaa assassorfiunerusoq. Uagulli Demokraatiniit aaqjissutissaq taanna orniginartippallaanngilarput. Isumaqarpugut, meerartatsinnut siusippallaartoq, 7. Imaluunniit 8. Klassemi inuunermi sumik ilinniagaqarnissaminnik toqqaanissaat.

Una perusunnerullugu, Naalakkersuisut misissuillutik aallartissasut, suut peqqutigalugit taamatut ingerlasoqarnersoq. Tamanna akunnaatsusariaqanngilaq, aammalu ajornartorsiummut oqitsunik aaqjissutissaqarani. Unali pingaarnersaavoq, meeqqat atuariat ilusilersussagippit, atuartunut tamanut atorsinnaanngorlugulu. Imaassinnaavoq avillugit ilinniartitsinermik kinguneqartoq perorsaariaatsinillu ilinniartitsinernik allanik ataqqillugu, meeqqat assigiinngitsunik ilikkariartaaseqarneri. Assigiinngitsinermik kinguneqarsinnaavoq, tamassumalu kingunerisinnaallugu, meeqqat aaqjissuussaannermi katanneqarneri.

Tassalu Demokraatit oqallinnermut isummersuutaat.